

Titolo: Tempus de onestadi

S'abbundanti arriu de Flumendosa
 nascit de is roccas de su Gennargentu,
 in milli corropus sartat festosa
 lati de nii moliada de su bentu,
 presonera in pianura spaziosa
 is turbinas ponit in movimentu,
 lagu impratiau prenu de alligria
 innui si sprigat sa bidde preferia.

Acqua cristallina e portentosa
 chi fait cantai prusu de su binu,
 forzis est sa propiu ena spantosa
 de su desulesu "Poeta " bixinu,
 su maistu de musa fantasiosa
 vulcanu nasciu de un'allominu,
 su chi cantat po centu solu solu
 poita fu' naturali rusignolu.

Candu gioghittà de oghna manera,
 a bandidus o a carabinieri,
 in tottu is istrintus de carrera
 Tiu Liori, ziu de turras e talleris
 a boxi cun cordas de seda vera
 cun su cuaddu andendi cheris cheris
 fiat triiniri oghna birdiera,
 Bussendu in sa genna de Ziu Tomasu
 narat: ndi pigat aiscus de fai casu?

Tempus de onestadi e poboresa
 chi s'onori fu tentu po bandera
 e s'arrespettu po ver'arrichesha,
 trevessuminis de oghna manera
 cun d'ogha fueddu postu in sa pesa
 ca fu' bregungia manna sa galera,
 Tandus chi preizzosu fuast po arai
 allirgu ti rassegnast a cascai.

Oi cun s'era de is macchinarius
 cun mindigu e apretu tottu bintu,
 triaxis de priogosus milionarius
 ma boxis de furonis in su strintu,
 no ci serbinti vocabolarius
 po cumprendi ca su mali ha tintu.
 Chi su progressu est scetti su dinai
 no sciu de prangi o de mindi prexai.

PSEUDONIMO: "SU CUCU"

ANTONIO RUGGIU

PIRRI

74

Glossario.

Cheri cheris : andando pian piano, di quà e dilà

Triaxis: moltitudini.